

Atvinnuvega- og nýsköpunarráðuneytið
Jón Þrándur Stefánsson
Skúlagötu 4
101 Reykjavík

Efni: Athugasemd vegna tillagna Fjallabyggðar um óskir á sérreglum vegna úthlutunar byggðakvóta.

Fyrir hönd fyrirtækisins Sverris Björnssonar ehf - 4703840189 þá gagnrýni ég harðlega að bæjarráð Fjallabyggðar hafi ekki óskað eftir því að hámark yrði sett á úthlutun á hvern bát eins og hefur verið undanfarin ár. Einnig gagnrýni það verklag sem sveitarfélagið notaði til þess að óska eftir tillögum frá smábátasjómönnum og vinnsluaðilum í sitthvorum byggðakjarnanum, Siglufirði og Ólafsfirði. En það var sendur tölvupóstur þann 9. Janúar sl. þar sem óskað var eftir að viðtakendur tölvupóstsins myndu tilnefna sitthvorn aðilann, smábátasjómann og vinnsluaðila. Þessi tölvupóstur var ítrekaður þann 16. Janúar. En þessi tölvupóstur var sendur til 21 aðilla sem margir eiga enga hagsmuna að gæta í þessu málum og einnig margir sem voru undanskildir og fengu ekki tölvupóst. Í umræddum tölvupósti var ekki óskað eftir tillögum heldur var óskað eftir tilnefningum á aðila til að koma með tillögur. Þess ber þá að geta að undirrituð var tilnefnd til þess að koma með tillögu en sveitarfélagið hafði ekki samband við mig og hafði ég ekki vitneskju um að hafa verið tilnefnd fyrr en eftir að ákvörðun hafði verið tekin. Einnig var smábátasjómaður tilnefndur sem ekki var látinn vita.

Undanfarin ár hefur Sverrir Björnsson ehf verið með vinnslu sína í leiguhúsnæði og einungis einblínt á grásleppuvinnslu. Nú er fyrirtækið er að leggja loka hönd á nýtt fiskverkunahús á Siglufirði sem mun auka vinnslugetu okkar töluvert og er fyrirhugað að vinna bolfisk með byggðakvóta í huga á ársgrundvelli.

Ef ekkert hámark er á einstökum bátum er hætta á að megnið af byggðakvótanum verði færður á rótgróið fyrirtæki í sveitarfélaginu sem er eitt af því kvótahæsta á landinu. Ef það verður að veruleika þykir mér byggðakvótinn og tilgangur hans hafa misst mark sitt, sem er

og ætti að vera til þess að styrkja atvinnu og byggð í sveitarfélaginu en ekki að efla þá sem stærri eru.

Að þessu sögðu, fer ég fram á að það verði bætt inn í tillögu Fjallabyggðar að hámark verði sett á einstaka báta í samræmi við önnur sveitarfélög sem óska hafa eftir þeirri sérreglu.

A handwritten signature in black ink, reading "Sigurlína Káradóttir". The signature is written in a cursive style with a horizontal line underneath the text.

Sigurlína Káradóttir